

10. 08. 2017

Broj: U.D-01-3.2-12687/17
Sarajevo, 09.08.2017.godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14), člana 45. Statuta "JP BH POŠTA" d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, broj: U.D-01-3.2-5233/15 od 04.03.2015. godine, Pravilnika o uslovima i načinu korištenja E-aukcije ("Službeni Glasnik 66/16), te prijedloga - preporuke Komisije za nabavku radova na sanaciji i proširenju računarske mreže u dijelu objekta Obala broj: 01-13.73-9963-26/17 od 06.07.2017.godine, Uprava Društva na svojoj 113. elektronskoj sjednici održanoj 09.08.2017. godine, donosi:

O D L U K U O IZBORU NAJPOVOLJNIJEG PONUĐAČA

I

U postupku javne nabavke radova na sanaciji i proširenju računarske mreže u dijelu objekta Obala, ovom odlukom se vrši izbor najpovoljnijeg ponuđača „K-INEL“ doo I.Sarajevo sa ukupnom vrijednošću ugovora u iznosu od **14.940,00 KM bez uključenog PDV-a, odnosno 17.479,80 KM sa uključenim PDV-om.**

II

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Izabrani ponuđač je dužan da u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

O B R A Z L O Ž E N J E:

Na osnovu Odluke o pokretanju postupka javne nabavke radova na sanaciji i proširenju računarske mreže u dijelu objekta Obala broj: U.D-01.3.2-8643/17 od 23.05.2017. godine i Rješenja Generalnog direktora o imenovanju Komisije za nabavku broj: 01-13.73-9963-10/17 od 06.07.2017. godine, proveden je konkurentski postupak javne nabavke, objavljivanjem Objaveštenja o nabavci broj: 238-7-3-515-3-142/17 dana 14.07.2017. godine na Portalu javnih nabavki uz objavljivanje tenderske dokumentacije sa predviđenim provođenjem e-aukcije, tako da su svi zainteresirani ponuđači mogli preuzeti tendersku dokumentaciju.

Javno otvaranje ponuda u postupku predmetne nabavke je održano dana 24.07.2017. godine u 12,¹⁵ sati, u prostorijama Generalne direkcije "JP BH POŠTA" d.o.o. Sarajevo, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja. Otvaranju ponuda je prisustvovao predstavnik ponuđača „NESA sistemi“ doo Travnik Amel Buljubašić, dok je ostalim ponuđačima poslan faxom 24.07.2017.godine

Nakon izvršenog otvaranja svih pristiglih ponuda, Komisija je 25.07.2017.godine pristupila analizi i utvrđivanju validnosti ponuda, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01-3.2-5233/15 od 04.03.2015. god. i konstatovala sljedeće:



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba

GENERALNA DIREKCIJA

- da ponuda ponuđača „K-INEL“ doo I.Sarajevo u iznosu od **23.954,00 KM bez PDV-a** ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički **prihvatljiva**.
- da ponuda ponuđača „NESA sistemi“ doo Travnik u iznosu od **19.951,00,00 KM bez PDV-a** ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički **prihvatljiva**.

Poštujući tačku 6.1 tenderske dokumentacije kojom je predviđeno održavanja E-aukcije a sve u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 66/16), Komisija je zakazala e-aukciju na portalu Javnih nabavki (www.ejn.gov.ba) dana 27.07.2017.godine sa početkom u 12:00 sati i predviđenim početnim trajanjem e-aukcije od 15 minuta.

Nakon okončane e-aukcije koja je trajala 1h59 min (Izveštaj o toku i završetku E-aukcije u prilogu) a shodno utvrđenom kriteriju „najniža cijena“, Komisija konstatuje da je:

- cijena ponude ponuđača „K-INEL“ doo I.Sarajevo u iznosu od **14.940,00 KM bez PDV-a** manja za **37,630458%** u odnosu na cijenu početne ponude koja je iznosila **23.954,00 KM bez PDV-a**;

- cijena ponude ponuđača „NESA sistemi“ doo Travnik u iznosu od **14.960,00 KM bez PDV-a** manja za **25,016290%** u odnosu na cijenu početne ponude koja je iznosila **19.951,00 KM bez PDV-a**;

Nakon svega gore navedenog te provedene E-aukcije, utvrđena je konačna rang-lista ponuđača bez PDV-a, kako slijedi:

1. „K-INEL“ doo I.Sarajevo..... sa konačnom cijenom **14.940,00 KM**
2. „NESA sistemi“ doo Travnik..... sa konačnom cijenom **14.960,00 KM**

Obzirom da ponuda ponuđača „K-INEL“ doo I.Sarajevo u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.

Dostaviti:

- Centar pošta Sarajevo – nosioc posla
- Marketing (za objavu)
- Sektor za EKF poslove
- Stručni tim za Javne nabavke
- Ponuđačima putem Stručnog Tima
- a/a



GENERALNIDIREKTOR

mr.sci. Mirsad Mujić



"JP BH POŠTA"d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba